



Sebapadi sa Maemo



Erlina Makhalemele



Katlego ke mosetsana wa go rata go raga bolo. Nakong ye ntši makgolo o be a kgakgana le yena.





Katlego o be a rata le go lebelela bolo mo thelebišeneng. O ile a kgopela tatagwe gore a mo rekele dieta tša go bapala bolo.



Nako ye nngwe le ye nngwe ge a tsena
lebaleng a bapala le bašemane, ba be ba
bolela le yena ka lenyatšo e bile ba mo
kgorometša.






Katlego o be a fodiša pelo ka go bapala
lebaleng la gabon. Buti Thibedi o be a bapala
le yena, a mo hlohleletša.



Ka gae makgolo o be a sa mo thekge, a dula a mo omanya. Makgolo a mo lemoša gore o tla uta dieta tša gagwe. Dieta tša go bapala bolo ya bašemane.







Katlego o be a tsena ka lepatlelong ka kgang. A gapeletša go bapala le bašemane. O be a nyaka go bapala ka pelo ka moka.



Taba ye e be e galefiša bašemane e le ruri.
Ba be ba mo nyamiša le go feta. Seo ga sa
ka sa dira gore Katlego a tlogele go bapala.





Katlego ga se a ka a emiša go bapala
lebaleng la gabon. O ile a kgotlelela, a bapala
a le noši.



Letšatši le ile la fihla gore ba hloke sebapadi sa go ba tlaleletša. Ba ile ba go kgopela Katlego gore a tle a bapale le bona.





Katlego o be a kitima ka lepatlelong ka mafolofolo. O ile a lebanya dipala, a noša, sehlopha sa fenza! Batho ba hlaba legoa!
Ka...tle...go...!



Go tloga tšatši leo bašemane ba thabela go bapala bolo le yena. Ba amogela gore Katlego ke sebapadi sa bolo ya maoto.





Katlego o ile a fiwa sefoka. Buti Thomo le yena o be a le gona go mo thekga. Makgolo le yena o be a thabile kudu. A lebetše gore o be a sa rate ge Katlego a bapala bolo le bašemane.



Katlego o ile a ratega kudu bolong. Batho ba be ba mo reta. Bašemane le bona ba thabela go bapala le yena.





Batho ba mo motseng ba be ba ikgantsha ka
mosetsana wa go bapala bolo le bašemane.
Batho ba bagolo ba be ba rata go bona
mosetsana wa go bapala bolo ya maoto le
bašemane.



Katlego e be e šetše e le leloko la sehlopha.
Ge a se gona ka lepatlelong sehlopha se be
se ikwa se sa felela.

